



18. marts 2014

UPA 2014/70

Inatsisartut Suleriaasianni § 33 naapertorlugu aalajangiiffigisassatut siunnersuut matumuuna saqqummiuppara:

Pisortat ikiorsiissutaat pillugit Inatsisartut peqqussutaata allanngortinnissaa pillugu Naalackersuisut peqquneqarnissaannik Inatsisartut aalajangiiffigisassaattut siunnersuut, anguniarlugu sapaatip akunnerini sisamani mattussisoqartalernissaa, qinnuteqartoq imaluunniit pisortat ikiorsiissutaannik aningaasartuutitut aalajangersimasunut kiisalu aningaasartuutitut ataasiartakkanut pisartagalik pisimappat tunngavissaqanngitsumik soorlu

- **Suliffissarsissusserup itigartinneqarnera kingorna**
- **Suliffissarsissunneqarnerup kingorna suliertunngitsoortoqarsimappat imaluunniit**
- **Suliffissarsissunneqartoq nammineq soraarsimappat imaluunniit suliffik tunniunneqartoq qimaannarneqarsimappat imaluunniit nammineq pisuussutiminik pisartagalik soraarsitaasimappat.**

(Inatsisartunut ilaasortaq Andreas Uldum, Demokraatit)

Tungavilersuut

Nutaarsiassaajunnaarnikuuvoq tamatta sapinngisarput naapertorlugu tunniussaqaqtariaqaratta inuiaqatigiittut atungartuussuserput attatiinnassagutsigu. Taamaattumik iluaqutaanngilaq, innutaaqatasut akoqarsimappata sulilluarsinnaasunik, pisortalli ikiorsiissutaannik pisartagaqarusunnerusunik sulinnguaratik.

Siunertaanngilaq siunertaanngisaannarlunilu inuit sulisinnaasut pisortat ikiorsiissutaannik pisartaqartarnissaat, suliffissaminnik neqeroorfigineqarsimagunik.

Suliffeqanngikkallarnermi ikiorsiissutit tunniuttakkat pillugit Inatsisartut peqqussutaanni allassimavoq, sapaatip akunnerini sisamani pisartagaqarsinnaajunnaarsitaagallartoqartartoq, atulersartumik inuk suliffeqanngikkallarnermi ikiorsiissutinik tunniuttakkanik pisartagalik suliffimmut neqeroorutaasumut itigartitsimappat imaluunniit suliertunngitsoorsimappat. Siunnersuutigissavara pisortat ikiorsiissutaat pillugit Inatsisartut peqqussutaanni aalajangersakkamik taamaattumik peqalissasoq.

Siunnersuummi siunertaavoq inuit pisortat ikiorsiissutaannik pisartaqalerniarlutik qinnuteqartartut imaluunniit pisartagaqartut sulilernissaminnut kajumissuseqalersinnissaat, suliffimmut neqeroorutigineqartumut itigartitsissalluni tigussaasumik pissutissaqartoqanngippat. Siunertaavoq inuit amerlanerit imminnut ikiorsinnaanngortinnissaat, ikiorsiissutinik assuarnartumik atornerluisoqalinnginnissaa, illersorumallugit innuttaasut ikiorserneqarnissaminnik pisariaqartitsivissortut kiisalu inuutissarsiortut ikiorsernissaat sulisussaminnik pissarsinnaanissaannut.



Naggataatigut Demokraatinut naqissusissallugu pingaaruteqarpoq sukaterinissamut siunnersuutit soorunami inunnut tamakkiisumik sulisinnaasunut sulileriaannarnullu taamaallaat atuuttussatut siunnersuutaammata. Qaqugorsuarmulluunniit inuit napparsimasut sulileqqullugit pinngitsaalinavianngilagut.

Aamma Demokraatini erseqqissarusupparput, suliffissaqanngitsut sulilluarsinnaasut amerlanerpaartaat suliffissaminnik neqeroorfigineqaraangamik qujarussisarmata. Amerlanerpaat suliffissarsissunneqaraangamik sapinngisannguaminnik imminnut ilaquuttatillu pilersorniartarpaat. Tamakku inuiaqatigiinnit ataqqineqartariaqarput.

Aamma suliffissaaleqisut suliffissaqanngitsut isiginerluttariaqanngillat. Suliffissaaleqineq oqitsuinnaangilaq, taamaattumik suliffissaaleqisut sapinngisannguatsinnik ikiorniartariaqarpagut, ikiorneqarnissaminnik pisariaqartitsigallartillugit. Siunnersuummi taamaallaat pineqarput innuttaasut pisortanit ikiorneqartariaqanngikkaluarlutik ikiortissarsiortartut.

Pisortanut aningaasarsiornikkut allaffissornikkullu kingunissai

Siunnersuutip kinguneranik kommunit inunnik isumaginninnermut aningaasartuutitigut sipaaruteqalerumaartut naatsorsuutigineqassaaq, pisartagaqarsinnaajunnaarsitaagallartoqarnerata nalaani inunnik isumaginninnermut aningaasartuutit sipaarutigineqartartussaammata kiisalu aamma pisartagaqarsinnaajunnaarsitaagallartoqartalerpat amerlanerit suliffinnut neqeroorutaasunut akuersisalertussaapput, taamaalippallu amerlanerit imminnut pilersorsinnaangussapput.

Namminersortunut aningaasarsiornikkut allaffissornikkullu kingunissai

Neriunarpoq namminersortut malugsalerumaaraat, atorfiit inuttaqanngitsut inuttalernissaat ajornanginnerulissasoq sulisullu kommunimit innersuunneqartut suliaortalerumaartut piumassuseqarlutik kusanartumik suliaqarnissaminnut.

Innuttaasunut aningaasarsiornikkut allaffissornikkullu kingunissai.

Soqanngilaq.